


TEZAUUR LITURGIC

12 IULIE

**ACATISTUL
SF. CUVIOS
PAISIE
EZNEPIDIS
DE LA SUROTI
I**



MOSCOVA, 2000



Акафист

святому преподобному

Паисию Святогорцу

Конда́к 1

Избра́ннаго Панагу́ды подви́жника и
арома́тницу благоуха́нную, Каппадокийское
прозябе́ние и предста́теля неусы́пнаго, да
воспои́м согла́сно. А́нгельскому бо жити́ю
подража́я, Тро́ице Святе́й благоугоди́, те́м и
зове́м: ра́дуйся, преподо́бне Па́исие, дивный
наро́да Бо́жия утёшителю.

И́кос 1

А́нгел показáлся еси́ во уде́ле Богоро́дицы
избра́ннем, и на́м ходáтай тепле́йший пред
Бо́гом, Па́исие о́тче, те́мже та́ко тя воспева́ем:

Ра́дуйся, Каппадоки́и доброво́нное ми́ро,
ра́дуйся, вы́шняго жи́тельства о́браз яви́вый,
ра́дуйся, Аси́и Ма́лыя процветéние,
ра́дуйся, свята́го Арсе́ния похвалéние,
ра́дуйся, в фарасио́тех приснопева́емый,

ра́дуйся, иноку́ющих пра́вило,
ра́дуйся, ве́лие Элла́ды и ве́ры храни́ло,
ра́дуйся, Каппадокийскаго ро́да свети́ло,
ра́дуйся, Византи́и божество́нная о́трасле,
ра́дуйся, добро́то Афóна и о́рле,
ра́дуйся, земный а́нгеле, ве́стниче на земли́,
ра́дуйся, челове́че небесный, пребыва́яй на
Небеси́.

Ра́дуйся, преподо́бне Паи́сие, дивный наро́да
Бо́жия утёшителю.

Конда́к 2

Ви́дяще, я́ко от руки́ священнаго Арсе́ния в
Фара́се Каппадокийстей, роди́тельнице святы́х,
Креще́ние прия́л еси́, и я́ко сего́ моли́тва
многопло́дну тя о́трасль Ма́лыя Асии и Элла́ды
яви́, ты́ прославля́ем по досто́янию, Бо́гови
плещу́ще: Аллилу́ия.

И́кос 2

Разуме́я и познава́я страда́ния из оте́чества
произгнанных, страна́ствуя и печа́ля о до́ма
роди́тельскаго разоре́нии, в ве́ре укрепил́ся еси́
и богоразу́мия прия́л еси́ све́т от благода́ти
Бо́жия, Паи́сие свя́те. Сего́ ра́ди и мы́,

взира́юще на чуде́са твоя́, восклицáем ти́
таковáя:

Рáдуйся, Иисúсовых благословéний
стяжáтелю,

ра́дуйся, уде́ла Богомáтерняго божéственный
светодáтелю,

ра́дуйся, вéтрило многомúдрых благодея́ний,

ра́дуйся, аромáтнице Вы́шняго дарова́ний,

ра́дуйся, Бо́жия Ду́ха блаже́ннейшее сия́ние,

ра́дуйся, добродéтелей несказáнное
благоухáние,

ра́дуйся, Афóнская лéторасле прекра́сная,

ра́дуйся, áки купéль Силоáмская, врачúяй
вся́кия стра́сти,

ра́дуйся, Пресвяты́я служите́лю
преблаже́нный,

ра́дуйся, Святы́я Го́ры вождю́ и кли́че
побéдный,

ра́дуйся, поста́ и моли́твы дéлателью
неусыпа́емый,

ра́дуйся, засту́пниче стра́ждущих и
опеча́ленных.

Ра́дуйся, преподо́бне Па́йсие, дивный наро́да
Бо́жия утѣшителю.

Конда́к 3

Си́лою Вы́шняго укрепля́емых му́чеников чтя́
жити́я и разумѣ́я, ты́ душо́ю блаже́нною к
непреста́нному славосло́вию Всетворца́ восходи́л
еси́. Мы́ же си́е воспомина́юще, вопи́ем:
Аллилу́ия.

И́кос 3

«А́з есмь Воскресе́ние и Живо́т. Ве́руй в Мя́ не
у́мрет во ве́ки». Си́и словеса́ от Небе́снаго
Жениха́ услы́шав и испо́лнь сы́й све́та
боже́ственна, неве́рия преле́сть низве́ргл еси́.
Сего́ ра́ди благодарственно вопи́ем ти́ та́ко:

Ра́дуйся, во о́трочестве безбо́жия се́ти
препрё́вый,

ра́дуйся, я́ве Христа́ узре́вый,

ра́дуйся, оби́тели Стомио́нския устройтелю,

ра́дуйся, Кони́тских еретико́в победи́телю,

ра́дуйся, ми́лостыни пото́че неисчерпа́емый,

ра́дуйся, небе́сным сия́нием укрепля́емый,

ра́дуйся, Сина́йския горы́ подви́жниче,

ра́дуйся, оби́тели великомученицы
Екатери́ны моли́твенниче,

ра́дуйся, му́дростию де́ве се́й подража́телю,

ра́дуйся, святы́м Галактио́ну и Еписті́мии
соседа́телю,

ра́дуйся, са́де, прозябый от горы́ Моисеевы
ка́мене,

ра́дуйся, моли́твы а́нгельския на земли́
воспева́ние.

Ра́дуйся, преподо́бне Паі́сие, дивный наро́да
Бо́жия утешителю.

Конда́к 4

Раче́ние божество́нное к Богома́тери, чистейши́й
о́тче, поне́же имѣя, Сию́ Предста́тельницу
неусы́пную и Храни́тельницу стяжа́. Сего́ ра́ди и
мы́, дарова́ний твои́х жела́юще приобщи́тися, о
тебе́ поём: Аллилу́ия.

И́кос 4

Слы́шаша и́мя твоё земни́и концы́, Паі́сие
святче, ты́ бо, я́ко со́лнце блиста́яй во времена́
после́дняя и Правосла́вие утвержда́яй и́менем
Го́спода Иису́са Христа́, показáлся еси́. Мы́ же,
единомы́сленне памяту́юще божество́нная
уче́ния тво́я, приноша́ем ти́ рече́ния таковы́я:

Ра́дуйся, любѣмче изря́днейший Пресвяты́я,
ра́дуйся, ны́ ущедрѣ́й Мате́ре Бо́жия крѣ́не,
ра́дуйся, сомолѣ́твенниче Херувѣ́мом,
ра́дуйся, еди́нонра́вниче Серафѣ́мом,
ра́дуйся, укреплѣ́ние Правосла́вия,
ра́дуйся, у́тваре преизбра́нная,
ра́дуйся, чернорѣ́зцев огра́до и оте́чества
хранѣ́ние,
ра́дуйся, Ко́ницы о́трасле, Стоми́она же
заступлѣ́ние,
ра́дуйся, я́ко лоза́ Богома́тере,
благове́менный пло́д принося́й,
ра́дуйся, вертогра́де пока́яния благоуха́й,
ра́дуйся, бесе́дуяй Бо́жиими словеса́,
ра́дуйся, умаще́ние я́звам грѣ́шничим.
Ра́дуйся, преподо́бне Паѣ́сие, дѣ́вный наро́да
Бо́жия утѣ́шителю.

Конда́к 5

Богоприя́тну любо́вь я́ко стяжа́вый, же́ртву ся́
бра́тиям возложи́ и благослове́нием Пречи́стыя
оде́ляше́ все́х. Такова́го ся́ отверже́ния ра́ди

ны́не со А́нгелы Христа́ прославля́еши, мы́ же, в па́мять твою́ призыва́емии, вопи́ем: Аллилу́ия.

И́кос 5

Ви́девше тя́ ду́шу за бلی́жняго полага́юща, блаже́нне Па́исие, к тебе́ прибега́ем: ми́лостив бу́ди на́м и, Влады́це Христу́ предсто́я, Того́ умоли́, да отжене́т у́м помрача́ющую грехо́вную тьму́ от моле́бными пе́снями хва́лящих тя́ сицевы́ми:

Ра́дуйся, Панагуды до́блественный ратобо́рче,
 ра́дуйся, Богоро́дицы песносло́вче,
 ра́дуйся, путево́дная заблуждшим звездó,
 ра́дуйся, Афóнская зову́щая к Бо́гу трубó,
 ра́дуйся, утешéние пла́чущих,
 ра́дуйся, помо́щниче стра́ждущих,
 ра́дуйся, печальных божéственное
 укрепле́ние,
 ра́дуйся, не оставля́яй и́ноков попече́нием,
 ра́дуйся, у Ми́лостивыя за ны́ предста́телю,
 ра́дуйся, неду́жных безме́зднейший
 врачевате́лю,
 ра́дуйся, подвижа́ющихся направля́яй,

ра́дуйся, изря́дне Вратáрницу Богорóдицу
восхваля́й.

Ра́дуйся, преподо́бне Паи́сие, дивный наро́да
Бо́жия утёшителю.

Конда́к 6

Пропове́дник богонóсен еси́ и сто́лп ве́ры, да́ры
Ду́ха Свята́го на́м испроша́й, те́м и мы́ тебе́
ра́ди, ста́рче предивный, немóлчно поём:
Аллилу́ия.

И́кос 6

Воссия́в я́ко лампа́да неугаси́мая све́том
Трисо́лнечнаго Божества́, покая́ния наста́вник
яви́ся, Паи́сие свя́те. Мы́ же, твои́ми
предста́тельствами свы́шнее утешéние и благода́ти
позна́ние приéмлющи, хва́лим тя́, вопи́юще:

Ра́дуйся, ковче́же себе́ отверже́ния и
воздержáния,

ра́дуйся, Утёшителя́ благода́ть на на́с
излива́й,

ра́дуйся, Со́лнца-Христа́ малове́рным
провозвести́вый,

ра́дуйся, ми́лостию Человеколю́бца́ все́х
удовли́вый,

ра́дуйся, о ми́ре моли́твою вы́ну благоуха́яй,
ра́дуйся, я́ко вино́ сла́дкое, ду́ши ра́достью
исполня́яй,

ра́дуйся, Богома́тере сла́вие избра́нный,
ра́дуйся, приноша́яй слéзы Христу́ я́ко ши́пок
доброуха́нный,

ра́дуйся, Фове́ры предста́тельство и могу́чее
возглаше́ние,

ра́дуйся, откровéния громогла́сное
возвещéние,

ра́дуйся, Та́йней Вéчери чи́стою душе́ю
приобща́выйся,

ра́дуйся, помы́слов исповéданию
прилежа́вый.

Ра́дуйся, преподо́бне Паи́сие, дивный наро́да
Бо́жия утёшителю.

Конда́к 7

Хотя́щу тебé Спа́су послéдовати, му́ченическаго
жити́я ревни́тель показáлся еси́, душе́ю
несквёрною же и тéлом, и любóвию
божéственною ко Христу́. Сего́ ра́ди тя
велича́ем, всесогла́сно пою́ще Бо́гови: Аллилу́ия.

И́кос 7

Но́вое одоле́ние на неvíдимыя и víдимыя враги́
показа́вый, егóже моли́твою и любóвию стяжа́, и
всеору́жие смире́ния взём, истреби́л еси́
бесо́вския ко́вы и тща́ния, Бо́гови же
благодáрственная возопи́. Те́м и мы́ прино́сим ти́
сицевáя:

Ра́дуйся, свёта божéственное храни́лище,
ра́дуйся, благоутрóбия Христо́ва вмести́лище,
ра́дуйся, псалти́ри Дави́довы пёние,
ра́дуйся, свята́го Арсе́ния умоле́ние,
ра́дуйся, грёшников исправля́й и ободря́й,
ра́дуйся, ми́лование у Богоро́дицы
испроша́й,

ра́дуйся, главó подви́жников венценóсная,
ра́дуйся, сёне стра́ждущим росонóсная,
ра́дуйся, водó живи́тельная претыка́ющимся,
ра́дуйся, мо́сте, в жи́знь изводя́й утопа́ющих,
ра́дуйся, сто́лпе грёшником па́дшим и
укреплéние,

ра́дуйся, разсла́бленным ти́хий о́дре и
упокоё́ние.

Ра́дуйся, преподо́бне Паи́сие, дивный наро́да
Бо́жия утѣшителю.

Конда́к 8

Стра́нен бы́в в ми́ре, Паи́сие, Го́спода возлюби́в
и стра́сти твоя́ укроти́в Бо́жиею благода́тию,
ны́не же я́ко зарни́ца облистава́еши о тебѣ
вопию́щих немóлчное: Аллилу́ия.

И́кос 8

Вся́к, к тебѣ притека́яй, николи́же, о́тче Паи́сие,
неутѣшен оты́де. Но прося́й благода́ти дарова́ние
приима́ше. Сего́ ра́ди и мы́ воспева́ем ти́
сицевая́:

Ра́дуйся, лучено́сная омраче́нным звездó,
ра́дуйся, ка́ющихся наста́вниче и главó,
ра́дуйся, афо́нския бра́тии тяготы́ взѣмляй,
ра́дуйся, Всесвяты́я са́да цвѣте
преукраше́нный,
ра́дуйся, о благосты́ни Христо́ве
сладковещáние,
ра́дуйся, моли́твы небѣсны́я мироухáние,
ра́дуйся, ми́рови Мессію́ провозвещáяй,
ра́дуйся, пѣснь архáнгелову ко Пресвяте́й
воспевáяй,

ра́дуйся, надéждою, ми́лостию и любóвию
пламенéяй,

ра́дуйся, во вра́жией бра́ни божéственное
омовéние,

ра́дуйся, прия́вый дарова́ние проро́ческое,
ра́дуйся, благоутро́бием Отцу́ Небе́сному
подóбниче.

Ра́дуйся, преподо́бне Паи́сие, дивный наро́да
Бо́жия утёшителю.

Конда́к 9

Вся́кому естество́у пропове́дал еси́ сло́во,
апóстолом уподобля́ясь, рачéнием же и любóвию
к бли́жним просия́л еси́ я́ко со́лнце на землѣ,
прославля́я Святу́ю Тро́ицу: Аллилу́ия.

И́кос 9

Сле́з пото́ки от душі́ мироточа́, се́рдцем о
челове́цах, стра́ждущих душе́ю и те́лом, боля́ше.
Сего́ ра́ди ны́не и мы́ от ду́ш на́ших песнопéния
ти́ возсыла́ем, в смире́нии вопи́юще приле́жно:

Ра́дуйся, Евáнгелия служите́лю неутомимый,
ра́дуйся, свéщнице Трисо́лнечнаго Божества́
неугаси́мый,

ра́дуйся, я́ко по́стництва риста́лище
соверши́вый,

ра́дуйся, я́ко смире́нием кра́йним ины́х
предварíвый,

ра́дуйся, во Афóне ве́ры сия́ние,

ра́дуйся, Всесвяты́я сла́дкое воспева́ние,

ра́дуйся, учи́телю сла́вный дея́ния же и
зре́ния,

ра́дуйся, я́ко велему́дре пости́же
боже́ственное виде́ние,

ра́дуйся, Пречи́стыя вертогра́да неусыпа́емый
де́лателью,

ра́дуйся, святы́м Лукиллиáну, Пантелеймо́ну и
Евфи́мии собесе́дателью,

ра́дуйся, я́ко гла́с Богоотрокови́цы слухом
услы́шал еси́,

ра́дуйся, я́ко Ту́ я́ве, áки на Иерусали́мстей
ико́не, узре́л еси́.

Ра́дуйся, преподо́бне Паи́сие, дивный наро́да
Бо́жия утёшителю.

Конда́к 10

Вели́чество со Элла́дою Каппадоки́и и тёплый
засту́пник еси́, Паи́сие свя́те. Добродётелей бо

лѣствицу богоугодно соверши́, к Тро́ице Святе́й
непреста́нно поя́: Аллилу́ия.

И́кос 10

Стена́ еси́ вѣрным, о́тче Па́исие, а́нгельское бо
жити́е возлюбив, по́двиги свои́ми Святе́й Тро́ице
неуста́ннаго предста́ния ско́ро дости́же. Сего́
ра́ди пѣния благода́рственная возсыла́юще из
глуби́ны серде́ц и ду́ш на́ших, смире́нно
взыва́ем:

Ра́дуйся, от Афóна богоявлѣнно ми́ру сия́й,
ра́дуйся, краснопѣсниковъ гласе, Сло́во
провозвеща́й,

ра́дуйся, многоча́дне, ми́луй челове́ческая
болѣ́ния,

ра́дуйся, ослеплённым стезёй исправлѣ́ние,

ра́дуйся, Невѣ́стней Невѣ́сте ра́дование
принося́й,

ра́дуйся, к Ца́рству Небе́сному пу́ть удовля́й,

ра́дуйся, кади́лу Ду́ха Бо́жия соимѣ́нно,

ра́дуйся, я́ко и зра́къ тво́й на́м подаёт
утешѣ́ние,

ра́дуйся, я́ко в ми́ра концѣх веща́нием
предваря́ый,

ра́дуйся, зми́я главѹ моли́твою сокру́шивый,
ра́дуйся, моле́ния и́менем Иису́совым и среди́
ми́ра де́лателью неуста́нный,

ра́дуйся, к Бо́жией Ма́тери стяжа́вый любóвь
несказа́нну.

Ра́дуйся, преподо́бне Паи́сие, дивный наро́да
Бо́жия утѣшителю.

Конда́к 11

Пе́ние Зижди́телю и Присноде́ве к борѣнием я́же
в но́щи и во днѣ́ соплетáше смире́нно, те́м ся́
Бо́жия Ду́ха сосѹд показу́я. Мы́ же, Тро́ице
Святе́й припада́юще, тебе́ ра́ди поѣм и вопи́ем:
Аллилу́ия.

И́кос 11

Свѣт и мироухáние благоче́стия, и любве́, и
самоотверже́ния неисче́тнаго, и исцеле́ний
то́чит свята́я па́мь тво́я, преподо́бне. Сего́
ра́ди потща́хомся вси́ моле́бными гла́сы тебе́
возопи́ти:

Ра́дуйся, я́ко вся́кому указу́яй пу́ть на небеса́,
ра́дуйся, я́ко ра́дости все́х исполня́ют
медото́чная тво́я словеса́,

ра́дуйся, изоби́льная от Афóна рекó
искипа́ющая,

ра́дуйся, звездó от Святы́я Гóры, вёрным пúть
озаря́ющая,

ра́дуйся, прísное за ны́ у Богоотрокови́цы
ходáтайство,

ра́дуйся, а́нгельскому жити́ю прилежа́щим
предста́тельство,

ра́дуйся, добродéтелей плодонóснейшая лозó,
ра́дуйся, о ми́ре к Престо́лу достига́ющая
слезó,

ра́дуйся, но́вый апóстоле, к вéре Христо́ве вся́
призыва́яй,

ра́дуйся, Правосла́вия гла́се, мно́зи
возсозидáяй,

ра́дуйся, дре́во всепло́дное, Ма́терию
Небе́сною напо́яемое,

ра́дуйся, элли́нов зна́мя, в подсо́лнечней
распростира́емое.

Ра́дуйся, преподо́бне Па́исие, дивный наро́да
Бо́жия утéшителю.

Конда́к 12

Благода́ти Бо́жия исто́к тя́ позна́хом, о́тче, по
успе́нии твоём, в нёмже́ ли́цы а́нгельстии
весё́лия исполня́хуся. Те́м и мы́, ходата́я о
спасе́нии на́шем улу́чить сподо́бльшиися,
ра́дуемся, взыва́юще: Аллилу́ия.

И́кос 12

Пою́ще бездну́ чуде́с твои́х и терпе́ливныя твоя́
по́двиги, свя́те, от серде́ц ти́ сплета́ем
а́нгельская́ песнопéния, па́мять твою́ почита́ем
благоговéйно и вопи́ем такова́я:

Ра́дуйся, наде́жды оте́честву забвённому
вёстниче,

ра́дуйся, о свобождéнии Святы́я Софи́и и
гра́да Вели́каго пропове́дниче,

ра́дуйся, Царьгра́д во упова́ние но́вое дивно́
предуказа́вый,

ра́дуйся, ходата́ю уде́ла сла́внаго от стра́н
свои́х произгна́нным,

ра́дуйся, не то́кмо единоплеме́нных
путевода́й, но и от ины́х язы́к приходя́щих,

ра́дуйся, я́ко сыно́в Росси́йския Цёркве зело́
любя́, благоуве́тливо приима́ше,

ра́дуйся, пленённых ѓтчин прорекий
обновлѣние,

ра́дуйся, ми́ру блиста́ние, ве́ры немѡлчное
возглаше́ние,

ра́дуйся, я́ко зна́мения времѣн разумѣвый,
ра́дуйся, Откровѣ́ния Ио́аннова та́инниче
богодухновѣнный,

ра́дуйся, я́ко апо́стол, явлѣ́й обетова́ния,

ра́дуйся, избавлѣ́ния Аси́и Ма́лыя упова́ние.

Ра́дуйся, преподо́бне Па́исие, дѣ́вный наро́да
Бо́жия утѣшителю.

Конда́к 13

Опреподо́бне ѓ́тче Па́исие, новоцвѣ́те
благоуха́нный, изра́стший во времена́
послѣ́дняя, умоли́ Христа́ Бо́га спасты́ся душа́м о
тебе́ воспева́ющих: Аллилу́ия.

Этот конда́к читается трижды, затем ѓ́кос 1-
й и конда́к 1-й.

Моли́тва

Освятѣ́й преподо́бный и богоно́сный ѓ́тче на́ш
Па́исие, возлю́бленный на́ш покрови́телю и
богомуд́рый наста́вниче, ле́ствицею
добродѣ́телей от земли́ в Небе́сное Ца́рство

восше́дый и благода́ть прия́вый во е́же
хода́тайствовати о́ нас пред Престо́лом
Всеми́лостиваго Го́спода на́шего. Мо́лим тя́
отврати́ти ны́ от пути́ грехо́внаго и научи́ти ны́
Го́сподеви соверше́нны плоды́ покая́ния и
обновле́ния во Христé ду́ш на́ших приноси́ти.

Ты́, святы́й о́тче, во дни́ жити́я земна́го мно́зи
тя́жки боле́зни и недуги́ неисце́льныя
уврачева́вый и ду́ши грехми́ и скорбми́
стра́ждущих исцели́вый, ны́не предстоя́ Бо́гу,
Того́ милосе́рдие к нам приклони́, да твоего́
предста́тельства ра́ди любо́вию чту́щих святу́ю
па́мять твою́ исцели́т, да́рует кре́пость во
искуше́ниях, му́жество в борьбе́ с ду́хом зло́бы,
и́щущим ве́чной поги́бели на́шей, да да́рует нам
проще́ние все́х на́ших грехо́в, ихже́ от ю́ности
на́шея да́же до настоя́щаго дне́ по́мыслом,
сло́вом и де́лом соверши́хом, да научи́т ны́, я́же
нам подоба́ет твори́ти, я́ко да вы́ну Е́му и
бли́жним с любо́вию и смире́нием послу́жим.

Е́й, о́тче святы́й, наста́ви нас, во о́браз жити́я
твоего́, и́же любве́ и милосе́рдия испо́лнено
бы́сть, у́з грехо́внаго жи́тельства разреши́вшееся,
к Небе́сным Чертогам взы́ти, иде́же да
восхва́лим Всеми́лосе́рдаго Триипоста́снаго
Го́спода на́шего во ве́ки веко́в. Ами́нь.



ПОЛНЬІЙ АКАФИСТНИК КАНОНИЧЕСКІЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО